



Broj: 02-04-3068/21-AP-5
Datum: 22.12.2021. godine

OPĆINSKO VIJEĆE ZAVIDOVIĆI
n/r PREDSDJEDAVAJUĆOJ OPĆINSKOG VIJEĆA
mr. iur. Erna Merdić Smailhodžić

PREDMET: Odgovori na vijećnička pitanja sa 11. sjednice Općinskog vijeća Zavidovići održane 30.11.2021. godine, dostavljaju se

Povodom vijećničkih pitanja postavljenih na 11. sjednice Općinskog vijeća Zavidovići održanoj 30.11.2021. godine, dostavljamo odgovore na iste kako slijedi:

1. VIJEĆNIČKO PITANJE VIJEĆNIKA ADIJA MAHOVAC

Vijećnik Adi Mahovac: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Tražim da mi se dostavi analitički pregled potrošnje konta 61372421 – Izdaci za usluge popravki i održavanja cesta, željeznica i mostova-tekuće održavanje lokalnih cesta za prvih 9 mjeseci 2021. godine.

Obrazloženje:

U izvještaju o izvršenju budžeta za prva tri kvartala 2021 godine nije dostavljeno obrazloženje i analitika potrošnje po kontu 61372421 već samo ukupna vrijednost konta u iznosu od 32.282,53 KM.

Direktno pitanje:

Tražimo od nadležne općinske službe da nam dostavi spisak cesta i lokaliteta za koje je izvršeno redovno održavanje u prvih 9 mjeseci 2021. godine. Uz informaciju navesti pojedinačne iznose ulaganja za svaku lokalnu cestu koja je bila predmet redovnog održavanja kao i opis radova koji je izvršen.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništva, broj: 03-45-17-341/21 od 23.12.2021. godine): Trošak konta 61372421 - Izdaci za usluge popravki i održavanja, cesta, željeznica i mostova – tekuće održavanje lokalnih cesta u ukupnom u iznosu od 32.282,53 KM odnosi se na dva sklopljena ugovora o redovnom održavanju lokalnih cesta u iznosu od 6.583,59 KM i 25.698,94 KM sa preduzećem „POROBIĆ“ d.o.o. Zavidovići, sklopljenih prema Okvirnom sporazumu o redovnom održavanju lokalnih cesta u 2021. godini.

Spisak lokalnih cesta na kojima su izvođeni radovi redovnog održavanja:

- Sanacija lokalnog puta 8. kilometar - Mahoje na lokalitetu Ornice (uklanjanje degradiranog denivelisanog asfaltnog sloja i izgradnja novog asfaltnog sloja u površini 239,00 m²);
- Sanacija lokalnog puta Zavidovići – Stavci - Gornji Kovači (uklanjanje deformisanog asfaltnog sloja i izgradnja novog asfaltnog sloja na 4. dionice u površini 381,00 m²);
- Sanacija lokalnog puta Mećevići – Hajderovići - Imamovići (izrada novog asfaltnog sloja sa pripremom podloge u Hajderovićima - prvi prekid asfalta iz Hajderovića prema Imamovićima u površini 249,00 m²);
- Sanacija lokalnog puta Hajderovići - Mujkići (sanacija dionica puta na mjestima klizišta na lokalitetu „Nezirova njiva“ i „Halidova njiva“ u količini 30,00 m³ kamenog materijala);
- Sanacija lokalnog puta Zavidovići - Biljačić (sanacija dionice puta kod katoličkog groblja kamenim materijalom u količini 30,00 m³ kamenog materijala);
- Sanacija lokalnog puta Vozuća - Crnjevo (sanacija dionica lokalnog puta na mjestima velikih deformacija nasipanjem kamenog materijala u količini 100,00 m³);
- Sanacija lokalnog puta Vikovići - Brašljevine (sanacija dionica lokalnog puta na mjestima velikih deformacija nasipanjem kamenog materijala, na potezu Krajinići - Brašljevine u količini 80,00 m³).

2. VIJEĆNIČKO PITANJE VIJEĆNIKA IGORA ŠIMŠIĆ

Vijećnik Igor Šimšić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Tražim informaciju, od strane nadležne općinske službe i Kantonalne direkcije za ceste, kada će se poduzeti mjere i radnje na instalaciji trotoara i ocrtavanja pješačkog prelaza na regionalnoj cesti R465 u ulici Pinkasa Bandta neposredno uz benzinsku pumpu Almy d.o.o.?
Obrazloženje:

Tražim od nadležne općinske službe da nam dostavi informaciju da li su se do sada poduzimale aktivnosti na instalaciji trotoara na regionalnom putu R 465 neposredno uz benzinsku pumpu Almy u ulici Pinkasa Bandta, te ukoliko nisu, kada se može očekivati instalacija istog?

Od nadležnih zahtijevam jasne odgovore u pisanoj formi.

Vijećničko pitanje upućuje se Kantonalnoj direkciji za ceste i nadležnoj općinskoj službi.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništva, broj: 03-45-17-341/21 od 23.12.2021. godine): Dana 23.12.2021. godine Vaše pitanje je proslijeđeno u nadležnost Kantonalnoj direkciji za ceste. Po prijemu odgovora isti će vam biti dostavljen.

3. VIJEĆNIČKA PITANJA VIJEĆNIKA AMERA AVDIČEVIĆ

1. Vijećnik Amer Avdičević: Na osnovu člana 87. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/2014 - prečišćen tekst, 9/14, 8/18 i 8/19) upućujem vijećničko pitanje nadležnoj općinskoj službi, vezano za finansiranje i sufinansiranje projekata u mjesnim zajednicama.

O b r a z l o ž e n j e

Koristeći poslovničku formu vijećničkog pitanja, zahtijevam da se Općinskom vijeću dostavi sljedeće:

1. Projekti koji su finansirani ili sufinansirani od strane Općine u 2021. godini, naznačeno na području koje mjesne zajednice su se realizovali takvi projekti.
2. Od ukupnog novčanog iznosa finansiranih ili sufinansiranih projekata od strane Općine dostaviti procentualno, koliko je kojoj mjesnoj zajednici pripalo novca.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništva, broj: 03-45-17-341/21 od 23.12.2021. godine): Tabela prikaz svih ugovora koje je Općina Zavidovići potpisala u toku 2021. godine javno su objavljeni i nalaze se na općinskoj web stranici u rubrici „Javne nabavke“, podrubrika „Ugovori o javnim nabavkama“ sa osnovnim podacima kao što su: opis predmeta javne nabavke, podaci o dobavljaču / izvođaču, vrijednost ugovora, period izvršenja i sl. Ovi podaci su ažurirani sa 26.10.2021. godine i isti će ponovo biti ažurirani sa 31.12.2021. godine.

2. Vijećnik Amer Avdičević: Na osnovu člana 87. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/2014 - prečišćen tekst, 9/14, 8/18 i 8/19) upućujem vijećničko pitanje nadležnoj općinskoj službi, vezano za izvođače radova na području općine Zavidovići.

O b r a z l o ž e n j e

Koristeći poslovničku formu vijećničkog pitanja, zahtijevam da se općinskom vijeću dostavi sljedeće:

1. Sve firme, odnosno izvođače radova na području Općine Zavidovići koji su se finansirali iz budžeta Općine Zavidovići u protekle 2 godine, naglašeno dostaviti općinu u kojoj su navedene firme registrovane.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništva, broj: 03-45-17-341/21 od 23.12.2021. godine): Zahtjevani podaci su javno objavljeni i nalaze se na općinskoj web stranici u rubrici „Javne nabavke“, podrubrika „Ugovori o javnim nabavkama“. Ovi podaci su ažurirani sa 26.10.2021. godine i isti će ponovo biti ažurirani sa 31.12.2021. godine.

Takođe, isti podaci Vam se dostavljaju u okviru redovnih Izvještaja o izvršenju Budžeta općine Zavidovići.

4. VIJEĆNIČKA PITANJA VIJEĆNIKA HARISA HODŽIĆ

1. Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Zašto još uvijek nije realizovan Zaključak Općinskog vijeća br. 01-01-1510/21-AP-8 od 30.07.2021. godine?

Obrazloženje:

Već četiri mjeseca imenovana komisija u sastavu:

1. Samir Karahasanović, predsjednik,
2. Amerisa Saletović, zamjenik predsjednika,
3. Majda Mujanović Alimanović, član,
4. Lejla Porobić, član,
5. Rijalda Zaimi Hrvić, član,
6. Nihada Husejinović, član,
7. Ramiz Mujić, član.

nije ispitala postupak donošenja akta Službe za upravljanje geodetskih, imovinsko-pravnih poslova i urbanizma općine Zavidovići a u vezi problematike bivših radnika PD „Krivaja Mobil“ d.o.o. Zavidovići-u stečaju.

Iako je rok za realizaciju predvidio 45 dana, imenovana komisija se nije udostojila i nakon 120 dana dostaviti izvještaj. Po informacijama od strane bivših radnika PD „Krivaja Mobil“ d.o.o. imenovana komisija održala je samo jedan sastanak bez konkretnih smjernica, rješenja i rezultata.

Direktno pitanje:

Tražimo od nadležne općinske službe da nam dostavi informaciju zašto imenovana komisija ne ispunjava povjerene obaveze od strane Općinskog vijeća Zavidovići te kada možemo očekivati njihov naredni sastanak, a u konačnici i rezultate njihovog zadatka?

Uz odgovor dostaviti i pismeno izjašnjenje predsjednika i članova komisije, pojedinačno, o razlozima nesazivanja sastanka.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Stručne službe Općinskog vijeća Zavidovići, broj: 01-04-2999/21-AP-2 od 27.12.2021. godine): Općinsko vijeće Zavidovići na 7. sjednici od 30.07.2021. godine, razmatralo je Informaciju o aktuelnoj problematiki bivših radnika PD „Krivaja Mobil“ d.o.o. Zavidovići - u stečaju sa Izvještajem o podnesku radnika PD „Krivaja Mobil“ d.o.o. Zavidovići Službe za upravljanje geodetskih, imovinsko-pravnih poslova i urbanizma. Nakon provedene rasprave, Općinsko vijeće Zavidovići usvojilo je Zaključak broj: 01-01-1510/21-AP-8 od 30.07.2021. godine, kojim je imenovana Komisija sa zadatkom ispitivanja postupka donošenja akta Službe za upravljanje

geodetskih, imovinskopravnih poslova i urbanizma općine Zavidovići. Rok za realizaciju predmetnog Zaključka 45 dana.

Općinsko vijeće Zavidovići na 9. sjednici, održanoj dana 21.09.2021. godine, razmatralo je Informaciju o realizaciji Zaključaka Općinskog vijeća Zavidovići za period 01.01. – 30.06.2021. godine, a na pisani zahtjev predsjednika Komisije donijelo je Zaključak broj: 01-04-2172/21-AP-2 od 21.09.2021. godine, o produženju roka za realizaciju predmetnog Zaključka za još 30 dana.

Stručna služba Općinskog vijeća je dana 14.12.2021. godine, putem e.maila, dostavila predmetno vijećničko pitanje predsjedniku Komisije. Do danas nismo zaprimili odgovor.

Stručna služba Općinskog vijeća će po prijemu odgovora isti dostaviti na uvid.

PRILOG: - Zaključak Općinskog vijeća Zavidović, broj: 01-01-1510/21-AP-8 od 30.07.2021. godine;

- Zaključak Općinskog vijeća Zavidović, broj: 01-01-2172/21-AP-2 od 21.09.2021. godine;
- Dokaz o upućivanju vijećničkog pitanja od 14.12.2021. godine.

2. Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Tražim informaciju, od strane Stručne službe Općinskog vijeća i nadležnih službi, o aktivnosti vijećnika Općinskog vijeća Zavidovići za period od konstituirajuće pa do posljednje 11. redovne sjednice?

Direktno pitanje:

Tražimo od nadležne općinske službe da nam dostavi razinu aktivnosti Općinskog vijeća Zavidovići pojedinačno po svakom vijećniku kao i pojedinačno po svakom Klubu.

Odgovor na ovo pitanje treba da sadrži sljedeće informacije: Broja upućenih inicijativa, broja postavljenih vijećničkih pitanja, broja učešća u raspravama, broja replika, broj ispravki krivog navoda i drugih vidova učešća na sjednicama Općinskog vijeća Zavidovići.

Podatke je potrebno dostaviti pojedinačno za svakog vijećnika kao i pojedinačno po svakom Klubu vijećnika koji participira u OV Zavidovići, tabelarnim hronološkim redoslijedom po aktivnosti uzimajući period od Konstituirajuće sjednice zaključno sa 11. redovnom sjednicom Općinskog vijeća Zavidovići.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Stručne službe Općinskog vijeća Zavidovići, broj: 01-04.2999/21-AP-4 od 27.12.2021. godine): U prilogu dopisa dostavljamo:

- Tabelarne preglede aktivnosti vijećnika Općinskog vijeća Zavidovići u periodu od 30.12.2020. godine do 30.11.2021. godine, po sjednicama;
- Tabelarni pregled aktivnosti klubova vijećnika u Kolegiju Općinskog vijeća Zavidovići u periodu od 14.01.2021. godine do 25.12.2021. godine, po sjednicama;

- Tabela pregled aktivnosti vijećnika – postavljena vijećnička pitanja i inicijative u periodu od 30.12.2020. godine do 30.11.2021. godine, po sjednicama.

3. Vijećnik Haris Hodžić: Pokušavam, evo kroz pitanja zaista da budem detaljan, no međutim osjećam da vješto se zaobilazi odgovor na određene stavke za koje Općina, njene službe nemaju postignute rezultate. Pa molim čisto evo službu koja je dostavila ovo na moje prvo vijećničko pitanje, a koje se ticalo da mi se dostave odgovori o o oko izgradnje lokalnih cesta i ulica, kojim su postocima ti ugovori, vješto nisu dostavljeni ti odgovori na sanaciju lokalne ceste Vikovići - Brašljevine. Želim da mi se dostavi informacija da li je upućen javni poziv, dokle je došlo, da li je zaključen ugovor? Takođe rekonstrukcija lokalne ceste Dolac - Rujnica - Tursići. Investiciono održavanje sanacija dijela lokalne ceste Krivaja - Smailbašići - Fazlići. Sanacija dijela ulice „Gazija“ takođe, zahtijevam da mi se dostavi odgovor šta je u vezi sa tim planom i izgradnja parkinga kod zgrade „Samačka“. To je prvo.

Odgovor na dopunsko vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništva, broj: 03-45-17-341/21 od 23.12.2021. godine): Javna nabavka radova iz Plana kapitalnih ulaganja za 2021. godinu: „Rekonstrukcija lokalne ceste Dolac - Rujnica – Tursići“ bila je spremna za objavu na Portalu javnih nabavki dana 12.10.2021. godine, „Sanacija lokalne ceste Vikovići - Brašljevine“ bila je spremna za objavu na Portalu javnih nabavki dana 26.10.2021, „Sanacija dijela lokalne ceste Krivaja – Smailbašići - Fazlići“ je bila spremna dana 05.11.2021. godine, ali nisu objavljene zbog toga što u fondu cesta nije bilo akumuliranih sredstava. S obzirom da su u međuvremenu akumulirana potrebna sredstva, predmetne nabavke radova će biti objavljene 27.12.2021. godine.

Javna nabavka radova „Sanacija dijela ulice Gazije“ neće biti realizovana u toku ove godine zbog nedostatka finansijskih sredstava.

Postupak javne nabavke radova „Izgradnja parkinga kod zgrade Samačka“ je započeo 19.11.2021. godine i isti je u toku.

Odgovor na dopunsko vijećničko pitanje (Odgovor je sačinjen na osnovu akta Stručne službe općinskog načelnika od 21.12.2021. godine): Stručna služba općinskog načelnika dostavila je odgovor na pitanje vijećnika Harisa Hodžića sa 10. sjednice koje odnosilo na postupke javnih nabavki koji se provode a odnose se na izgradnju sanaciju ili rekonstrukciju lokalnih cesta ili ulica.

Od navedenih postupaka, Ugovor nije zaključen u postupku javne nabavke radova „Sanacija lokalne ceste Zavidovići - Biljačić“. Postupak je u toku i u fazi je gdje je donesena Odluka o poništenju ovog postupka iz razloga odustajanja ponuđača od zaključivanja ugovora.

Javna nabavka radova „Nastavak uređenja infrastrukture naselja Vučjak (ulica 4 manevarski bataljon)“ je u fazi zaključivanja ugovora gdje je prvorangirani ponuđač odustao od zaključivanja ugovora, što je rezultiralo poništenjem prvobitne odluke o izboru najpovoljnije ponude i donošenjem nove odluke gdje se ugovor nudi drugorangiranom ponuđaču.

Postupak javne nabavke radova „Izgradnja parkinga kod zgrade Samačka“ pokrenut je po zahtjevu Službe za upravu ekonomskih poslova i poduzetništva dana, 19.11.2021. godine, objavljen u Informacionom sistemu „E-nabavke“ 22.11.2021. godine, i u fazi je kad se vrši ocjenjivanje i kvalifikacija pristiglih ponuda.

5. VIJEĆNIČKA PITANJA VIJEĆNIKA ŠEMSE FEHRIĆ

1. Vijećnik Šemso Fehrić: U skladu sa članom 89, Poslovnika o radu OV Zavidovići, postavljam vijećničko pitanje:

„Kada će općinske službe nastaviti proces numeracije stambenih objekata u svim ulicama i naseljima na području cijele općine Zavidovići“

Objasnenje

Adresa nije potpuna ako nema broja (bb), zbog čega mislim da taj proces treba nastaviti u svakoj stambenoj jedinici i dodijeliti broj (adresni broj). U nekim ulicama je to urađeno, ali je proces zaustavljen.

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-5/21-AP-317 od 23.12.2021. godine): Budžetom za tekuću 2021. godinu planirano je 2.000,00 KM (dvije hiljade konvertibilnih maraka) za nabavku tabli sa nazivima i brojevima saobraćajnih i stambeno-poslovnih objekata a u cilju obilježavanja ulica, zgrada i mostova.

Služba za poljoprivrede, vodoprivrede i komunalnih poslova je provela javnu nabavku i 12.08.2021. godine je potpisan Ugovor sa preduzećem „DI-NAMIK“ d.o.o. Zavidovići o nabavci i isporuci tabli sa nazivima i brojevima saobraćajnih i stambeno-poslovnih objekata a navedeno preduzeće je 11.10.2021. godine izvršilo svoje obaveze i dostavilo općinskoj Službi za poljoprivredu, vodoprivredu i komunalne poslove ukupno 166 tabli sa brojevima za numerisanje stambeno-poslovnih objekata i 10 tabli sa nazivima ulica.

Planiranim Budžetom za naredu 2022. godinu iznos sredstava za navedene namjene je povećan sa 2.000,00 KM na 5.000,00 KM, čime će se stvoriti pretpostavke za nabavku i većeg broja tabli, što bi zajedno sa nabavljenom količinom u ovoj godini, omogućilo da se u 2022. godini izvrši numerisanje značajnijeg broja ulica i stambeno-poslovnih objekata.

Dinamika i obim ovih poslova zavisi isključivo od visine odobrenih sredstava u budžetu za te namjene.

2. Vijećnik Šemso Fehrić: U skladu sa članom 89, Poslovnika o radu OV Zavidovići, postavljam vijećničko pitanje:

„Kada će biti osposobljena javna rasvjeta u ulici Nikole Tesle?“

Objasnenje:

Već duže vrijeme građani se žale na neispravnost javne rasvjete u toj ulici. Pa zar u ulici Nikole Tesle ne radi rasvjeta?

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-5/21-AP-317 od 23.12.2021. godine): Posljednjim planiranim aktivnostima na saniranju svih prijavljenih kvarova na javnoj rasvjeti za tekuću 2021. godinu a koji su izvođeni 22. i 23.12.2021. godine, otklonjeni su i kvarovi na javnoj rasvjeti u ulici Nikole Tesle i trenutno u navedenoj ulici sva rasvjetna tijela su u funkciji.

S poštovanjem

Dostavljeno:

1. Naslovu,
2. U spis.

OPĆINSKI NAČELNIK

Dr. sci. Hašim Mujanović

Obradio: _____
(Nermin Čahtarević)